



Eco el mese del sorriso...

"El mese del sorriso e de l'alegrìa" se diséa na volta quando rivava Febraro a regalarne fritole e cróstoli, màscare e mascaramenti, feste in piazza e ne le case, e ogni pensiero tristo vegnéa messo da na parte, pensando che xe mèjo patire dopo, pitosto che prima...

Tradizion, costume, i tenpi, l'età, i sogni, voja de vivare, na bona dose de incossienza... ne portava a nare incontro a sto mese de Febraro... col sorriso te la boca e nel core.

Ne paréa de 'ver za lassà a le spale el longo inverno e che *San Bastian co la viola in man* el ghesse za desfà tuto el giazio te i fossi. La primavera ghea verto i oci e... *"presto! némoghe incontro!"*

A jera za da dopo la *Ve-ceta* che stolicàvino come inbastire sù on costume da Carnevale, inpegnando tuta la fameja, ramenando le straze de i ùltimi casseti de i comò, furegando tra i vestiti veci e le tele messe via te le casse. Mudandoni, corpeti, capelini, sotoveste, fazoleti, fazoleti rossi da naso, camise da note, recini, colane, strafanti de ogni tipo: tuto servìa par dare sfogo a la fantasia e a la creatività, e otegnere on mascaramento che no lo ghea nissun'altro.

E la gioja tel core, sotoventovia, la cresséa de giorno in giorno. On velo de intima ironia conpagnava le varie fase de preparazion. El sorriso sbociava fora da i oci, da la boca, da le man... da tuto el corpo che respirava da i pori de la pèle chel'aria de spensierateza che costava poco gnente e no inquinava la mente.

Quela jera la cura ricostituente, el vacino che passava la Mutua de

l'època, quella del *"gente allegra, il ciel l'aiuta"*.

E godéndose, soridévino, diventàvino conpagni de viajo de na socialità positiva, manifestàvino el nostro benèssare interno e la disponibilità ne i confronti de i altri.

Oncò la xe tuta nantra roba, se

nostra spece ne i confronti de quele animali.

A partire da sùbito, da quasi 'pena vegnù al mondo, el picolo, anca solo vedendo na persona davanti de lu, el te regala quello che da i esperti vien considerà el primo sorriso "sociale". Vol dire

che el sorriso fa parte del "linguaggio" umano. Ma come tute le robe, anca el "linguaggio" cambia, perdendo par strada tante bele maniere de raportarse: una tra queste, el sorriso. E non solo quello che nasse quando se xe drio gòdarse – quello de Carnevale, tipico de on momento sereno e alegro –, ma quello da spèndare ne i raport normali co le persone, co la gente, col cliente, col paron, col dipendente, col studente, col paziente, col foresto...

Questa xe na gran pèrdita pa 'l gènere umano; senza la grazia e l'arma del sorriso semo senpre piassè déboli ne l'affrontare i problemi e con manco com-

municemo e trasmetemo fiducia, piassè se cataremo da soli. Soli, déboli e infelici.

Acetemo, dunque, la sfida de Febraro: magari co la scusa del Carnevale, tentemo de far rifiorire el sorriso che 'l xe na grazia par l'omo e on ricostituente par l'umanità.



Come se pol védare, on sorriso xe el mèjo bilieto da visita... anca per Ilaria.

se gode in maniera difarente e senpre de manco; de conseguenza semo diventà on pòpolo de musoni e senpre manco disposto a regalare sorrisi. Peca-to, parché sto bel modo de comunicare el ga origini naturali, el xe on segno distintivo de la